

高臺

壽父

祭父

重編留青新集

新編留青新錄

光緒歲次戊申

上海廣益鑄版

序

自來編輯名家詩文鮮不以名世壽世相期許獨至往來酬應之作輒謂此詞章之糟粕翰墨之餘緒也習焉而不加察鄙焉而不屑視噫豈應世之文不足以名世壽世耶盍觀吾友伊君重編之留青集乎伊君閩中世胄博物多才家學相承夙徵根柢收藏卷軸類皆有用之書因取西冷陳氏原本重加編次增益條目其間塵飯塗羹數見不鮮者芟除殆盡復搜輯近時名公鉅卿文人學士雅製網羅藻翰標舉菁華無格不備無奇不搜彬彬乎洵斯文之大觀應世之寶筏也陳氏原書初刻於武林復刻於黃山白下當時已珍如拱璧謂

重刊五言詩集卷之二
非名世之文乎康熙戊子迄今百六十年家置一編流傳弗替謂非
壽世之文乎況是編重加審定精益求精較之原刻可謂盡善詎得
以應世之文習焉鄙焉而不屑視不加察乎編既定倩沈君英泉鼎
銘爲之校讎余亦分任其事焉因誌其緣起如此

光緒庚子年仲夏月慈溪馮善長謹識

例言

一是集現分二十四卷首爲文曰壽文祭文以便酬應次雜文畧仿古文辭類纂之例均採錄原書數首其庸俗惡劣之作多半刪汰而益以本朝諸大家著作各體畢備駢散兼收緯史經經可師可法文之末以文辭辨體附焉

一分類詩原輯曰應酬詩嫌不雅今分類編次皆從名手專集中錄出原詩止留存一二詩學要訣仍附於後

一應酬詞亦改曰分類所載皆應酬書亭有正味齋諸稿中之作浮艷膚庸不敢闖入其詞學辨體詞韻兩種則改用白香山詞譜詞韻庶使學者知所折衷

一駢散應列入文內不當在詞後若宦途所集駢體尺牘格式貴時裁對要整今將適軒尺牘全部編列俾知程式次列散體尺牘贈答必需亦頗典雅摘聯碎錦以次附焉

一原書翰藻文詩皆可採用盡爲編入不加刪訂

一輿圖輯要書係康熙以前之作今閱二百餘年沿革不同重加訂正府縣別名亦均細考無誤
一年華錄爲金謝山先生之作可資考證特爲編入

一姓氏聯珠原書校錄不加刪改

一原書宦途各種規制格式與時下絕不相合不但無益且易滋誤今盡行刪去收用吾學錄中仕進制度賓禮昏禮祭禮喪禮律例分門別類最簡最明一代典章凡薄海臣民皆當確守若原書之家禮儀節絕非 本朝法制何足取焉

一原書另編疏引贊銘爲一卷今已歸雜文內特刪去之

一月令楹聯匾額皆所必備今於楹聯中搜採頗多以便酌用

一翰墨腹詞印章綺語人物稱謂藝苑指南本無甚要義姑用原書所收置之卷末

一是集原期雅俗共賞故 切編次皆俯就世俗所需舟車隨帶而設若有志博通必當酌本名備顧 彥幸勿笑其粗疏

一是集用錫板鑄成編 既費經營校勘亦頗詳慎魯魚絕鮮固者鑒之

重編留青新集總目

卷一

壽文

卷二

祭文

卷三

雜文

卷四

雜文附文辭辨體

卷五

分類詩

卷六

分類詩附詩學要義

卷七

分類詞

卷八

詞譜詞韻

卷九

駢體尺牘

卷十

駢體尺牘附摘錄

卷十一

散體尺牘

卷十二

散體尺牘附碎錄

卷十三

翰藻

卷十四

輿地輯要

卷十五

年華錄

卷十六

姓氏聯珠

卷十七

仕進門 制度門

卷十八

賓禮門 昏禮門 祭禮門

卷十九

喪禮門

卷二十

喪禮門

卷二十一

律例門

卷二十二

律例門

卷二十三

月令 楹聯 匾額

卷二十四

翰墨叟詞 印章綺語 人物稱謂 藉苑指南

重編留青新集卷一目錄

壽文

贈閻梓勤二十初度序

陳維崧

榮陞升三十初度序

周清原

祝某友三十序

鄧錫璠

施展唐四十壽序

柴世堂

孫古雲四十初度序

彭兆蓀

張山來五十壽序

王暉

王翰城刺史五十壽序

曾國藩

張後村先生六十壽序

韋藻功

碩揆和尚六秩壽序

謝聖堅

某翁六十壽序

汪建封

悔庵先生六十壽序

袁枚

董丹厓廣文六十壽序

吳錫麒

何雙溪同年六十壽序

吳錫麒

黎樾喬之兄六十壽序

曾國藩

孫鼎庵先生六十壽序

曾國藩

七十自序

方象瑛

柴弋容七十壽序

毛奇齡

閻再彭先生七十壽序

毛際可

代祝兩江節相渤海公七十壽序

袁枚

戴篋圃先生七十壽序

吳錫麒

盧雨村先生七十壽序

吳錫麒

韓城相國七十壽序

吳錫麒

項桓鬯七十壽序

吳錫麒

全惕齋樞使七十壽序

吳錫麒

文小南之父七十生日壽詩序

曾國藩

朱玉聲先生七十三壽序

曾國藩

柯振宇八旬壽序

葉蜚雲

賀八十翁壽序

徐潮

袁簡齋前輩八十壽序

吳錫麒

阿廣庭相公八十壽序

吳錫麒

馮孟亭先生八十壽序

吳錫麒

劉海峰先生八十壽序

姚鼎

朱平長先生九十壽序

吳正治

朱平長太翁九十壽序

汪鐸

壽張大中丞序

蘇銓

汪母文孺人六十壽序

章藻功

姚母陳孺人六十壽序

汪光被

祝張太夫人六十壽序

鄒元臣

江母金太安人六十壽序

吳錫麒

旌表貞節大姊六十壽序

姚鼎

諸母金太孺人七十壽序

吳錫麒

熊母章太宜人七十壽序

吳錫麒

何母廖夫人八十生日詩序

曾國藩

郭母汪太孺人八十壽序

彭兆蓀

易問齋之母壽詩序

曾國藩

嚴陵城守李公暨夫人雙壽序

徐世沅

劉嵐峰暨配余恭人五十雙壽序

吳錫麒

爲守齋五叔父暨張叔母五十雙慶之序

吳敏樹

陸梯霞淑配紀夫人六十壽序

章藻功

陳仲鸞同年之父母七十壽序

曾國藩

屠禹甸夫妻八十壽序

吳敏樹

黃矩卿師之父母壽序

曾國藩

重編留青新集卷之一

壽文

贈閻梓勤二十初度序

陳維崧其年

劉伶臺潤。時出酒雄。韓信城孤。代生劍俠。漢淮南著書之地。賓客魁豪。枚少孺作賦之鄉。才華斐亹。則有并汾右姓。狐趙名宗。少蜚雛鳳之聲。長被伏鸞之目。人傳衛玠。何減玉人。羣說黃香。無慙才子。一堂彪固。擅門地於髫齡。兩世談遷。邁家馬於綺歲。爾其骨性清剛。襟期融暢。絢爛文章之圃。赭若雲霞。琤瑯翰墨之場。颯如風雨。臨文陷陣。目攝魑肩。突鬚之夫。掣筆摩霄。氣吞摘句。尋章之客。書亡三篋。補自胷中。賦駕兩京。成於座上。廼復分其餘技。足了十人。量厥長才。甯無一石。蘸筆作擘窠之字。虎跳龍拏。調鉛繪沒骨之畫。鶯歌蝶舞。髣几則雕鐫金石。油窗而箋釋蟲魚。牆邊嘯笛。何妨脫畧之名。樹下搖琴。大得清狂之譽。嘲談敖弄。半由漫興而淋漓。感激轟厯。聊見餘波之綺麗。較童烏之夙惠。此更堪多。倘犬子以同時。君應不讓。觥觥吾友。岳岳而翁。猥於京國朋遊。偶說家門子姓。熟知婚媾。并悉干支。懸弧值陶令春遊之日。小字斜川。坦腹則南容兄子爲妻。婦家大阮。言之笑噱。聽者顛狂。詎期羣紀之交。更屬潘楊之感。爰申譚語。用展私親。我所聞於古人。敬以陳之執事。士先器識。誠哉長者之言。人薄輕華。允矣先民之論。輪囷山木。經百折而壽始千年。澎湃江濤。過雙崖而勢恒一束。相期大雅。置身千古而前。所貴英賢。折節萬夫之後。

并仗左汾。爲傳右晉。奮鶴努力。會看接翅於雲霄。棣萼交柯。佇見聯鑣於殿閣。寄聲吾子。勉旃來日之居諸。試問君家。住者何人之里巷。

柴陞升三十初度序

周清原 啓

余髮甫燥。即聞西陵柴虎臣先生名。未得見讀其文。暨從其門人陸冠周諸人。稱其道德。嘗想像於山高水長間。令嗣陞升。人材駿發。方四齡。即能辨四聲精屬對。余友宣城施尙白。見而異之。因舉所誦虎豹犀象句命之對。方脫口。即應聲曰。鼃鼃蛟龍。其類異類如此。未幾尊人即世。陞升能發憤讀父書。詩古文數千言立就。太守顧興山。三吳名士也。按郡日試詩古文詞。拔置第一名。噪四方。一時士大夫莫不稱虎臣先生爲有子。陞升益自奮厲。卓犖自命。氣槩激昂。如驚鶴摩霄。不可羈控。雖家無擔石。豪氣不除。卯之役。余視學兩浙。得其文。古雅縱橫。迴絕流輩。咨嗟歎賞者久之。及拆卷。乃知即少恭王君所錄送第一人柴生也。案發。咸嘖嘖稱予爲得人。嗟乎。負才如此。使得乘風破浪。簪筆彤廷。備 垂天子顧問。我知陞升出其所學。必能如賈長沙。進治安策數千言。卓卓可紀。僕亦與有榮施。何迄今猶坐困諸生。茫無狀。日與騷人狂士。嘲文弄墨於西陵塊土間。俾紉縈子弟。黃口白丁。皆得過而傲之哉。語云。大器晚成。又曰。不於其身。必於其子孫。今陞升以名父之後。孤貧潦倒。險阻備嘗。天意有在。必不令之久辱泥塗也。今年春。爲陞升三十初度。其友陸子子武客京師。以予有通門之好。丐言於余。余恐陞升之久而放廢也。爰走筆爲

此藉墮子以致語陞升曰時哉不可失幸戮力自愛青雲直上無墮先業也

祝某友三十序

鄧錫璠 延珍

客有爲某壽者。徵言於予。問其年。則僅三十也。時座有高年爵者。私詢予曰。古者八十乃稱壽。謂之開秩。前此未嘗稱壽也。禮三十曰壯有室。某之齒始壯矣。律之以禮。其不得以壽稱也明甚。且人子之事親也。恒言不稱老。吾聞某有親在。三十而稱壽。疑其近於老也。然則子之壽之也。無乃未揆於禮乎。曰。子之壽之也。以其人。非以其年也。老者曰。子識其人之可稱者否乎。曰。子之信之者久。非以其人。以其人之友信之。乃所以深信於其人也。老人曰。因友以信其人。亦有說乎。曰。說在小雅之詩矣。小雅自鹿鳴而下。湛露而上。凡二十有二章。其中如伐木之燕朋友。南陔白華之事親。悉載焉。蓋治古之世。朋友輯睦。賢才衆多。相與講明忠孝之誼。以事其君親。類如此也。由此觀之。則事親之道。得友而須。豈徒在盥漱饋問之節哉。某幼而好學。乃能自奮其奇。以振前人之緒。出則講求廢箸之術。入則事親以孝。使其親安之。亦少年之練達者乎。問其所與遊者。皆年長以倍之人。而雁行肩隨者絕少。予甚異之。夫老成之士。嘗不輕與人友。其才識必奇。其操行必醇。謹其言語。必如布帛菽粟可用而不可少。此非酒醴金石之奉。所能羅致也。今君皆得而友之。非事親有以信其友。孰能強而壽之哉。昔孔子之稱不齊曰。有父事者二人。可以教孝。有兄事者五人。可以教弟。有友事者十二人。可以教學。事於君亦云。君年甫壯。富壽固所自有。而予爲祝者。

亦惟與其友講明事親之道。自服食器用。以至冠婚饗祀之大。無不諮於親而乃行焉。庶有合於南陔白華之旨。而無失諸子頌禱之意也。如是即稱壽焉。奚不可。老人曰善。予遂書之。以復於客。後有觀者。其必曰。年三十而稱壽。自予之於某始。

施展唐四十壽序

柴世堂

觀於子三十時。僕曾爲作序。且賦詩贈之。有努力愛景光。策名乘清時之句。蓋謂以子所學。芥拾一道不足道。不謂流光如駛。骎骎十年。轉盼間而又四十矣。頭顱如故。皂帽依然。英雄有志。得不爲之氣短哉。雖然富貴我所自有。君輩豈常貧賤者。史稱安石四十始出東山。子雲四十始遊京邑。晉山濤四十爲郡守。簿其後累遷吏部尙書。古人建功立業。於四十時。爲後世美談者。指不勝屈。吾子第好自奮發。秋風一掃。扶搖萬里。從此登金門。上玉堂。出所學以輔轍。休隆者十年。然後杜集香山。當開綠野。而僕以故人之誼。再握管而爲君賦五十之詩可乎。

孫古雲四十初度序

彭兆孫 湘湖

之。雖坏負釜。詭激戾乎經。兼朱重紫。熱烈乖乎道。惟夫得天元純。囊括道器。薛哀一致。浮雲無心。進則豐。退則蟬。仰齒圭組。退則翔鴻。蜚蠊。卷跡氛翳。瓔環不羈。巾褐無悶。是則韞韞恬漠。趣近懸解。可以得薪保。躍識真全年者矣。古雲襲伯方琮有光。圓璧無類。以平津之胄。紹景風之封。當其頡頏金張。焜熒帶礪。小。

侯捧手大橫佩刀甘泉長楊俠侍乎六帖期門。林並馳於四校雲搏水擊葉矯風憑宜看陰安之號。便其華資。長羅射陽之襲。方茲尊遂。及乎收簪解籙。結宇依林。迹塵鼎鐘。思在邱壑。襲赤芾以曳裳。易朱輪以下澤。糠粃顯路。雪孤素衿。稱甘茂之名孫。爲封人之將母。白華朱萼。潔膳馨蘭。儒宗元侶。儻朋結轍。物飽其義。世無閒言。暇乃託意紺軸。寄情豪翰。詩書以養恬。若岫以復樸。暢達情性。節宣慘舒。所謂匪祿而康。匪爵而榮。風力方邵之任。讓諸俊雄。疏班邴魏之規。希微往籍。甘芻豐秣。不以繫其逸。鏹跡隱曜。無足汨其和。油然順時。內外皆化。得其環中。以應無窮。昧者噉躁者靜。味道頤履。澄懷寶氣。不將不迎。容養淳淑。因以爲摠。蓋因以爲純常。啓期林類。未足相偶。老商伯高。豈遠人哉。四十盛年。九秋元月。降祥之辰。黃芬鞠醇。庭怡聖善。戶集羣雅。君其引觴。予贈言者。

張山來五十壽序

王 暉 丹 麓

康熙己卯六月。張子山來。五十初度。其宗黨戚友。各謀爲文以壽之。先期客以文屬余。余維張子生華胄。雄才蓋世。早負重名。自王公卿相。暨賢士大夫。無不願交張子。其文且羅列也。而何有於余。張子坐客日滿。人盡擅瑰偉絕異之材。摘辭鬬彩。各逞其奇。文之美不勝收也。而何取於余。余即爲文。張子之生平嘉言懿行。可以致壽者。其宗黨戚友。皆能具道之。而何待於余。且張子性曠達。蔑視科第。尤不喜浮詞。凡魏闕銀門。蓬壺瀛島。與夫東方之桃。安期之棗。都不足侈陳。然則余何以壽張子耶。余自甲戌。爲張子定文。

字交。迄今數年。郵筒往來。每月不絕。所欣賞者文。壽張子亦仍以文而已矣。夫天地間之最壽者。莫如文章。張子所撰詩詞古文。以及雜著。種種日新月盛。累數十百萬言。流布宇內。自足不朽。又嘗纂輯近人述作。如昭代檀几叢書餘集。虞初新志諸書。一言可采。表之不遺餘力。人賴以長留天地間者。不知凡幾。蓋能壽人者。必能自壽者也。何也。壽也者。壽也。有傳人久遠之德。天必壽之。以歲年充其力。方將與天地比壽。憲老乞言。尙不足爲張子重。區區服政之年。詎可云壽乎哉。客試以此躋堂而侑康爵。雖賓從如雲。當必以予爲知言矣。

王翰城刺史五十壽序

曾國藩

古無生日之禮。顏氏家訓稱江南風俗。是日有供頓聲樂。蓋此禮始於齊梁之間。後世自貴逮賤。無不崇飾開筵。稱壽習以爲典。癸卯夏。王君翰城將出牧冀甯。即於是秋五十壽辰。同人或謀祝之。翰城曰。非古也。其友人曾國藩亦曰。非古也。雖然。子將別矣。不可無以贈子。蓋古者四十而仕。五十服官政。服政云者。爲大夫以長人。布政得自專也。古者建官無冗。立法無繁。故任人靡不專。而事靡不理。後世天下之事。萃六曹六曹之屬。無慮千計。法令日密。吏胥便之。每事至吏。以意討例。官則睨吏意以行。吏頤使則官可之。吏目止則官否之。屬官所左。卿長亦左之。事無定見。惟衆之隨。故近日服官得專政者。內惟樞府。外惟牧令。樞府數人。或意見各歧。則得專者。尤莫如牧令也。牧令朝行一政。朝及於民。福民則我實福之也。殃民